

32

DISPUTATIO ETHICA DOMINI TEMPERANTIA:

DEO ALTISSIMO DUCE ET AUSPICE.
*Cum consensu & approbatione Amplissima Facultatis Philosophicae
in Celeberrimam Patriam Academiam Aboensis;*

Rectore Magnifico,

Admodum Reverendo & excellētissimo Viro,

DN. AE SCHILLO PETRÆO,
S. S. Theol. Doctore Eximio, ejusdemq; Prof. primario, utriusq;
Eccles: Aboensis, nec non Numensis Pastore gravissimo,
Meccenate & Patrono magno.

*Spectabili Facult. Philosoph Decano,
Reverendo & Praclarissimo Viro,*

DN. M. NICOLAO LAUR. NYCOPENSE
Log. Poës: Profess: Publ: Excellent: Promotore ju-
gi obseruantia honorando,

SUB PRÆSIDIO

Praclarissimi & Consultissimi Viri,

DN. M. MICHAELIS O. VVEXIONII,
Juris. Polit. & Hist. Profess: Publ: Celeberrimi, Promotoris
sui gratia memoria etatē commemorandi

*Pro Gradu in Philosophia, ejusdemq; privilegiis consequendū,
in Audit. Majori, horu solitiū, publicè ventilandam proponit.*

MATTHIAS LAUR. ROTHOVIUS,
SMOL. Schol. Neo ... Hels. Corrector.

Ad diem 23. Febr. Anni æræ Christianæ 1650.

A BOÆ Imprimebat Petrus Wald / Acad. Typog: 1650.

Reverendissimo & Præcellentissimo Viro,

D. M. ISAACO ROTHOVIO,

Dioceſios Aboënsis Præſuli gravissimo; nec non Aca-
demia ibidem patriæ Pro-cancellario amplissimo. Patruo, Pa-
triac Patrono æternâ veneratione suspicioendo.

U T E T

Admodum Reverendis, Excellentissimis ac Praclarissimis
Viris ac Dominis,

D. D. Professoribus & Patribus Academicis, sicut & Consistorij Ecclesiastici ibidem, Adſessoribus celeberrimis, Mecenatibus & Pro- motoribus atatem venerandis.

Nec Non.

Pià Eruditione Reverendo & Venerabili Viro,

D. JACOBO P. STOCHOLMENSI, Pastori in Nagli dignissimo, Socero suo Patris instar colendissimo.

S:mulatq;:

Reverendis, Clarissimis, Prudentissimis, Venerabilibus, Hu-
manissimis atq; doctissimis Viris, Cognatis, Agnatis & Afli-
nibus suis ceteris honoratissimis; tā hic in Fenniniam,
quām patriā dilectā degenitibus.

Inauguralem hanc Disputationem, in perpetuum infucatæ
observantiae, & grati animi ratiōne, devote &
humiliter.

Consecrat, dicat, dedicat & offert,

Auth. & Respo.



IN NOMINE JESU!
DISPUTATIONIS ETHICES
D E.
TEMPERANTIA.

PROOEMIUM.

COgitanti mihi, postquam favorabili & honorifica Amplissimæ facult: Philos: vocationi, nec nō aliorum mibi faventium monitis. paruerim atq; obsecundaverim, de materia aliquā, publicè, juxta laudabiliter receptam, ex senore Academicarum constitutionum, consuetudinem, contemplandā ac enodandā; commodum sese obtulit. Nobilissima, utilissima & jucundissima, imò verbi divini Ministro cum primis, qui sc: aliis virtutis facem praferre meritò debeat, commendataissima Temperantia. Quippe quæ reliquarum fermè omnium virtutum, non solum fundamentū est, sed & servatrix ac custos fidelis. Hujus proinde naturam & Essentiam, pro rudi Minerva, divinā suffultus gratiā, brevissimis hisce positionibus saltē adumbrare & delineare constitui, ut hāc occasione, mibi in tīpsi de Temperantia exercendā, alijsq; serio commendandi, perpetuum exflare possit memoriae documentum. Sicut itaq;

C U M B O N O D E O.

Theſ. I.

Dari Temperantiam, nemo recte philosophantium unquam dubitavit aut ivit inficias; quippe alios temperantiū, alios intēperanter vivere, ipsa experientia quotidie docet. Num verò sit peculiaris aliqua virtus, à reliquis specie distans, à non nemine dubitari potest. Verum omnem de eo dubitandi ansam, facile amolietur genuina naturæ & Eſentiae ejusdē notitia atq; cognitio. Quam, quia optimè declarat *Definitio*, utpote, rem, quid sit explanans, eandem propterea cùm *Nominalē* tūm *Realē*, adjectā *Legitima Distributione*, apponere conuenit.

II. In nominis explicatione offert ſe i. vocis Temperantiae Etymologia, à temperando deducta, notatio-ne ab effectis illustrata, quod voluptates & desideria voluptatum coerceat, frænet ac temperet, rectæq; rationis iudicio easdem decenter ſubſiciat, dicitur Græcis σωφροσύνη, quasi σωζόσα τὴν φρένα ἢ πεγμόν, conservans rationem vel prudētiām, quam intemperantia deiicit, deſtruit atq; diſturbat.

III. 2. Varia vocis temperantiae acceptio, (quæ interdum ornatus, interdum verò vocum defectus gratiā adhibetur) homonymiam parit, atq; ſic errorum tæpius ac confuſionā ſatis fæcunda Mater exiſtit, accuratè igitur penſiculanda venit; ne quis instar viatorum, à recto tramine, duſtu ignis fatui, vel alius alicuius rei objectæ, aber-rantium, à virtutis tramine, eadē deceptus aberret.

IV. Accipitur autem vox temperantiae aliter 1. ra-tione ſubiecti 2. aliter ratione objecti ſive Materia circa quam

quam. Subjectum est vel commune vel proprium: subjecti
communis respectu, temperantia non hominibus tantum,
verum etiam brutis animalibus non raro tribuitur. quomodo cica
dam temperantem dicimus, ut habet vulgatum: vivere rore
instar cicade. Et capitonem piscem, omnium piscium
temperantisimum scribunt naturales historici. Nec non
Ælian: Aquila temperantia laudat, quod sitim ferre pos-
sit, nec pulvere se more aliarum avium volvet.
Lib. 1. Cap. 6. Quæ subjecti acceptio, nostro instituto
lator & inconvenientior est. Respectu autem subjecti ad-
æquati & proprii, temperantia soli homini tribuitur,
de quæ etiam subjecti acceptance, impræsentiarumagen-
dum.

V. Ratione igitur objecti sive materia circa quam,
tripliciter accipitur vox temperantiae 1. Generalissime &
famose, prout quamlibet virtutem & affectuum moderationem
denotat, quæ Platonis in charm: Stobæo. serm. 5 &
Cic. Lib. 2. &c 5. de Finib. bonorum, familiaris est, conf.
Cic. Lib 3. Tasculanarū quæst: ubi temperantiam ait esse
moderationem omnium in homine commotionum.
videlicet etiam Hied. phil. Moral. part. 2. de temp. pag.
300. 2. Specialius, prout quasvis virtutes complectitur,
Corporreas voluptates ad mediocritatem revocates, unde
Plutarch. lib 7. sympos. quæst. asseverat non modo
peccari contra temperantiam voluptatibus, gustu, tactu
& olfactu perceptis, sed etiam illis, quæ oculis & auribus
sese ingerunt. Quæ acceptio, quamvis in totum non
rei ciatur, præscuti tamen instituto & tractationi, pro-
pria non est. 3. specialissime autem & propriè accipitur à phi-
losopho, pro virtute, quæ voluptates & dolores ex gustu
et tactu provenientes moderatur atq; refranat.

VI. *Synonymia sive vocis æquipollentia si attendantur, æquipollere quodammodo deprehendemus has voces latinas: temperantiam, frugalitatem, abstinentiam & sobrietatem; sicut & Svecanas: åtherhåld/nychterheet/ mås celigheet; nihilominus tamen differre ut latius & strictius, genus & speciem, ultrò fatendum.*

VII. Atq; ita his, quæ ad *Nominis declarationem facere* videbantur, obiter & pro re natâ, præmissis ac enodatis, rectâ fiet progressus ad *Temperantiae Definitionem Realem*, quæ talis esto:

VIII. *Temperantia est virtus moralis, debitum servans modum in expetendis, & fugiendis voluptatibus, quæ gustu ac tactu percipiuntur.*

IX. Definitio hæc resolvitur in **i. Genus 2. Diferentiam Specificam.**

X. **i. Genus Temperantiae**, rectè virtutem, eamq; moralem constitui, ita probatur: præsupposito quod temperantia non sit substantia, cuius est per se subsistere & sustinere accidentia, quod de temperantiâ vix dici potest, ad classem igitur accidentium referenda erit. Cum q; accidentium alia sint absoluta, alia respectiva, ad alterutram earum classium referri omnino debet. Respectivum autem accidentis, qualis relatio, non est. Relata enim non tantum constant, prout Ramus rectè dicit, sed etiam definiuntur è mutuâ alterius, relationis puta propriè sic dicitæ, affectione. Relinquitur proinde eam esse accidentis absolutum. Non autem est quantitas, cum nemo per Temperantiam, propriè loquendo, quantus reddatur. Erit igitur demum qualitas, & potissimum quia secundum hanc ipsam temperans rectè qualis dicitur. Hæc vero

verò siquidem habet quatvor species, ad nullam carum nisi solum habitus, referri concluditur, quò etiam virtutes reliquæ, tam intellecuales quam morales, inter quas est temperantia, rectè referuntur. Atq; sic definitum & genus definitionis, sunt in eodem prædicamento, quod regula bona definitionis mandat.

XI. 2. *Differentia specifica petitur ab objecto 1. interno 2. Externo.* Internum Objectum primarium sunt desideria & cupiditates voluptatum, circa quas demandas, temperantia occupatur. Secundarium verò etiam dolores ex denegatâ voluptate orti, dici possunt. Neq; tamen, idem est cum fortitudine; etiam si fortitudo versetur etiam circa dolorem, sed aliunde, nimirum ἐπὶ τῇ ωρᾷ στιχῷ τῷ λυτῷ ἐξ πρεσβείᾳ τῶν ἡρώων, id est, cū nobis non obtingunt res jucundæ. 3. Eth. cap. II. Unde patet versari fortitudinem circa dolores magno ac forti animo sustinendos positive, per se & primario: temperantiam verò circa eosdem privative, per accidens & secundario. 2. Externum verò objectum sunt ipsæ voluptates ex gusto & tactu profuentes, circa quas temperantia primario occupata esse cernitur.

XII. Porrò cum circa voluptates primario versetur temperantia, sciendum est easdem alias esse animi, alias corporis. Circa animi voluptates non versari temperantiam dispalcscit ex eo, quia non sunt excessu vitiosæ, sed quod majores illæ fuerint, eò meliores. Nec animi voluptibus dediti, propriè temperantes vel intemperantes exinde diei possunt.

XIII. *Corporis autem voluptates* proprium tempe-
rantiæ objectum statuuntur. Neq; tamen omnes, sed
solùm illæ, quæ ex tactu ac gustu oriuntur, quales in ali-
menti & veneris usu consistunt, nobisq; cum bestijs sunt
comunes, quatenq; per se & directè circa illas peccatur.

XIV. Neq; adhuc circa omnes voluptates ex tactu
profuentes versatur temperantia, quædam enim frictio-
nibus & unctionibus corporum percipiuntur, quæ libe-
rales dicuntur, itaq; honestæ ac licitæ. Hinc à Medicis
multum celebrantur, eandemq; ferè cū exercitio corpo-
ris vim habere adstruuntur. Quippe quæ debito modo
adhibitæ ac usurpatæ, robur vitale excitant, modicam ca-
lefactionem ac refractionem adferunt, nec non alimenti
distributionem & nutritionem faciliorē ac promptio-
rem reddunt.

XV. Advertendum præterea, *voluptatem gulae &*
veneris esse vel Communem Vel propriam. Commu-
nis, specierum earundemq; iudiciorum conserva-
tionem per se intendit, quæ alias naturalis dicitur, cum
eius appetitio in ipsâ naturâ, cuiq; reisentienti à Deo in-
dicta sit, teste Epiphan lib. I. Tom. 3. haret. 45. Unde
constat neq; appetitionem cibi & potus, sicut nec concu-
piscientiæ, quæ in casto conjugio spectatur, per se malam
esse, cum primariò in eâdem bonus finis reverâ intenda-
tur.

XVI. *Propria verò sive accersita est, quâ homo non*
tenetur naturâ, sed in quam pravâ inclinatione vel affe-
ctione, ceu cœco naturalis morbi impetu, præcipiti
cursu, temerè ruit, qualis fertur in certum cibum aut po-
tum, certamve personam cum quâ Venus illicite exer-
ceatur.

XVII.

XVII. In generalibus idcirco & communibus ratione objecti, vitium per se committi non potest, nisi respectu quantitatis vel qualitatis mediocritatem transilientis. In specialibus & proprijs tactus voluptatibus, saepius peccatur. 1. simpliciter in se licita, illicitè desiderando & cupiendo. 2. alio modo quam oportuit in se alias licita, illicitè applicando. Exemplo sit Davidis adulterium 2. Sam. ii.

XVIII. Notandum insuper est, sicut circa interiores sensus temperantiam occupari assertu est inconveniens; ita neq; ad exteriores has sensus species, ceu sunt visus, auditus, & olfactus per se & directè accommodandam asseveratur. Quis enim ex oblectatione picturum, auditione sonus jucundi instrumenti Musici, odoratuve bene fragrantium aromatum temperans dicendus sit? præsertim quia circa ejusmodi per se & directè nō delinquitur. Quatenus tamen turpitudinis aliqua aut representatio, aut instigatio sive accensio elicetur, ad voluptates ex illis ortas temperantiam per accidens quoq; dirigi ac ferri manifestum est.

XIX. Deniq; sicut effectus temperantiae dupliciter relucet in objectis, ita etiam dupli ratione attendi potest vel respectu animi, vel corporis. Respectu animi, est conservatio ingenii, memoriarum, judicij & prudentiarum. Imò promptitudinis & alacritatis in exercendis alijs virtutibus, & exequendis divinitus cuiq; demandatis officijs partibus. Respectu vero Corporis, sunt sanitas, pulchritudo & vigor membrorum. &c. In expetendis proinde ac perfruendis corporis voluptatibus, habenda est cum primis honestatis, valetudinis, temperamenti, existimationis, loci, temporis, aliarumq; circumstantiarum, diligens ratio.

XX. Opposita quod attinet, Temperantia opposi-

rū intemperantia, quæ est vitiū citra delectum, quasvis
voluptates in gustū & tactu positas, nullā honestatis ra-
tione habitā expetens, omnemq; molestiam ex harum
voluptatum absentiā exortam, declinans ac fugiens.
Appellatur vitium hoc in excessu, *αὐλασία*, ab a priva-
tivo & *αὐλάζω*, coērceo vel punio, compositum sum-
ptū similitudine à pueris malè educatis, quod eorum non-
dum coērcita, inhibita & refrānata sit Petulantia, i-
tem *αὐτοτια* sive inordinatio. In defectu v. dicitur *αὐν-
δρια* sive stupiditas, omnes honestas etiam necessarias
voluptates spernens. Talis fuit in Diogene Cynico,
qui omnes mulieres suspensas voluit. Ejusdem etiam
amenti & scelerisq; socij esse statuuntur, non tantūm mo-
derni Eremitæ & Monachi, verū etiam inter nos, lici-
tas voluptates quicunq; aspernatūr & temerē aversantur.

X XI. Ex diversitate *objecti*, sive materiæ circa
quam, diversæ quoq; resultant temperantiæ species. Ut-
pote *Frugalitas* & *caſtitas*.

XXII. *Frugalitas* est temperantia in gulâ moderan-
dâ, quâ cibi & potus tantâ portione quis utitur, quantâ
ad sui conservationem natura opus habet.

XXIII. Dividitur frugalitas, ratione duplicitis obje-
cti, in abstinentiam & sobrietatem.

XXIV. Abstinentia est frugalitas, modum in cibis
sumendis, rectæ rationi & naturæ cujusq; convenientem
tenens.

XXV. Notandum proinde est, modum, ratione
virium caloris naturalis & constitutionis corporum,
cuiq; esse à naturâ determinatum. Neq; enim tantum
cibi pygmæo decernēdum quantum giganti &c. In qua
ſentiam venustè & eleganter Seneca: Major sum, ait, & ad
Maa

*m̄jora genitus, quām ut sūm mancipium mei corporū quod equis
dem non aliter aspicio, quām vinculum mea libertati circumdat
sum.* Cum igitur non omnībus eadem corporis sta-
tura, idem temperamentum, vel eadem caloris vis & ef-
ficacia sit; ut jam mis̄um faciam, quōd nec omnes æ-
qualiter laborent, relinquitur ergo copiosiori, unum al-
tero victu uti posse, citra læsionem frugalitatis & ab-
stinentiæ.

XXVI. Abstinentiæ insuper extrema vel in excessu
sunt, vel defectu: *In excessu*, voracitas, ingluvies & eda-
citas, consistens vel in nimiâ quantitate, electione sua-
vium præ salubribus, intempestivâ commestione, vel
etiam more canum & luporum festinatione. *Quæ*
communi omnium & physicorum & Medicorum sen-
tentia, origo & Mater multorum in hominē morborum
existere solet: peculiarem tamen ciborum delectum ha-
bendū in Novo Testamento, ut in V. Christiana libertas
& mandati destitutio, vident. vide. Matth. 15.10. Act.10.
15. conf. coll. 2. 16. I. cor. 10. 25. Plura vide apud
Dith. lib. 3. syst. Eth. exercit. 3. sect 4. Discept. 2.
& alios *In Defectu* verò nimia abstinentia à cibo, cum
corpori necessarium alimentum denegatur.

XXVII. *Sobrietas est frugalitas, in assumendo
potum, modum servans.* Huic opponitur *in excessu*
bibacitas. Ebrietas sive Ebriositas, ubi tam strenue po-
tatur, ut neq. pes, neq; manus aut etiam mens officio suo
rectè perfungantur, appellatur alias hæc *Ebrietas madida*, &
cyclopica ingluvies, quam & honestas, & recta ratio,
sicut etiam sanctissimū Dei verbum extremè aversan-
tur & damnant, vide Esa. 5. 11. & 23. Luc. 21. 34. Eph. 5.18.
Gal. 5. 21. &c, confer. August. ad sacr. virgin. *Ebrietas*

est fligitorum omnium mater, culparumq; materia,
radix criminum, origo vitiorum, turbatio capitis, sub-
versio sensus, tempestas linguae, procella corporis,
nausfragium castitatis amissio temporis, insania vo-
luntaria, ignominiosus langor, turpitudo morum, de-
decus vita, honestatis infamia, animæ corruptela. Et
alibi idem in quodam sermone: Ebrietas est blandus
Dæmon, dulce venenum, suave peccatum, quam qui
facit, peccatum non facit, sed totus est peccatum.

XXVIII. Conceditur vero poculum, i. Necessitatū.
sicut etiam 2. Hilaritatū, tanquā tempore congruo in labo-
rū condimentum, & refectionem corporis, adhibitum.
Nec non 3. sanitas sicut ex verbo Dei & sanctorū exem-
pli manifestum esse potest. Gen. 43. psal. 104. conf.
Syr. 31. v. 35. & leqq. Timotheo quoq; cōcedit Paulus
ad sanitatem tuendam modicum vini usum. i. Timoth.
5. 23. supernaturalis autem Ebrietas, qua vel bona, prout ac-
cipitur pro spirituali, ex verbo Dei concepta lātitia, vel
mala prout accipitur vel pro stultitia, imprudentia vel per-
turbatione animi, hujus loci non est. videatur Excell p̄r
fidis coll. Eth. Disp. 9. à quæst. 20. ad 28, conser-
fasc. quæst. Eth. sect. 2. Membr. 5. quæst. ult. Adde Dith.
exercit. 3. De Temp. sect. 4. Disquisit. 4.

XXIX. In Defectu peccatur, nimirū abstinentia à po-
tu, quod vitium nostro seculo rarum est. Notetur ta-
men pro vitio non reputandum, si aliquibus, naturā
aut morbo aut etiam coactione, planè à potu abstinere
contingat.

XXX. Castitas est Temperantia qua docet mo-
dum

dum tenere circa venerem licitam, & pro rōs a versari
ri illicitam.

XXXI. Castitati in excessu officiū libido, spurcites, impudicitia & salacitas, Lascivia oculorū, impuri & obsceni sermones, & malæ confabulationes, quæ mores probos corrūpunt; lascivia circa amplexus, oscula, incestū &c. Itē abusū seminis. E templo onan, adulteria simplicia & composita, fornicatio, incestus, sodomia, bestialitas, &c. Nec non contra hujus virtutis præscriptum impingunt inordinati & impuri affectus ac cogitata de quibus Christus Matthi 5. & 15. capp.

XXXII. Habent verò hæ, & his similes libidinis & impudicitiae species, solum item interius moventem depravatam carnem seu naturam; Exterius verò Diabolum & occasions. Deum proinde mentem castissimam serio & devotè invocemus, Divinumq; ejus auxilium cordicitiis imploremus, carnis & Satanae suggestionibus, precibus & jejunio, ut principijs obstari possit, piè occurramus, à luxu etiam & ebriositate, tanquam omnium malorum scaturigine ac lernâ profundissimâ ac periculissimâ diligenter caveamus nec non Divinitùs cuiq; concretis & demandatis officijs & vocationis partibus attendamus, & à tentatione, cum Deo bono, Immunes evadamus juxta illud.


Ores, Sancta legas, jejunies etia vites,
Si servare voles corpora casta Deo.

Cogitentur insuper pravae libidinis ac flamæ periculosa effecta, ceu sunt ignominia, morbi varij, pænæ temporariae & æternales, de quibus tam sacra quam profana historia abunde testatur, impenitentibus aliquando super ventura.

XXXIII. Atq; hæ fuere notabiliores vitiorum species, castitati in excessu officientes, cum eorundem remedijs. Virtuti autem huic in Defectu licet rarius, evenit licitas & honestæ veneris detestatio.

XXXIV. *Castitas Est, vel Virginalis*, quâ omnibus illicitis cupiditatibus nuncium mittitur. *vel conjugalis*, quâ in casto conjugio, thorus immaculatus servatur. *Vel vidualis*, quâ viduus vel vidua omnes illicitos amores fugit.

Atq; tantum pro instituti ratione de Temperantia dicta sufficient. Uberiora qui desiderat, ex Eth. & sacrâ Theologiâ haurire potest. *Deum castissimam mentem Devotis suspirijs supplex veneror, ut ab omni inordinato affectu Effectu, cleenter nos conservet ac custodiat, ut sobriè Castè vivendo, nō solù Deo castissimæ menti placeamus; verùm etiam sanctis ac castis ejus Angelis conformes aliquando reddamur, atq; sic eundem Deum teroptimum maximum mentem omnium castissimam, sobriâ castitate, accastâ sobrietate in nunquam finienda ac determinanda seculorum secula. Casti collaudemus ac celebremus! Amen.*



Corollaria.

Quatror sunt genera causarum apud Rhetores.
1. Ramea pronunciandi ratio apud Græcos
præfertur Aristotelicæ.

3. Non

3. Non ineptè constitutæ sunt apud Græcos Declinationes ac conjugationes contractarum.
4. Memoriam Dei inter pocula, haustu recolere quodammodo est tolerabile.
5. Triplex est character dicendi.



Venerabili ac Præstantissimo Viro,

DN. MATTHIÆ ROTHOVIO, Philosoph. Candidato meritissimo, amico plurimum colendo,

R Em non Personam modò me laudare jubebas,
Et Literis & Moribus

Clare Vir, Aonidum Clarissima Portio; laudo
Substantiam non Accidens:

MATTHIAM celebro, celebrantem voce suavi
Scriptore TE M PER RANTIAM.

I, capte promeritos jam dudum letus honores;
Place D EO & mortalibus.

Ex animo Lmq;

gratubatur la

S A M U E L G. Hartmann

M a-

M Agnum delicium Eusebia Rotovius alte
Anchora virtutum est: similis virtutibus alt
Tu titulove micare studes, velut arte corusca
Hic tuus in theatrum Discursus missus ab astr
Ingenio ipse doces culto, ut, Virtutis amict
Accingare pio, possitq; C U P I D O domar
Sic vixisse juvat! Sic, sic bene carpere fruct
Musarum niveas devoto pectore gemma
D. MATHIAS ROTOVIUS RECTOR,
CANDIDATUS EXCELLENS.

Per Anagram.

VIRTUTIS ES DOCTOR, EX HAC,
MUNERA CANDIDA TOLLES,

ROTOVI soboles Divine Pallados, alta
Eusebia & Sophia deliciosa Venus;
Est virtus placuisse bonis, placuisse JEHOVA;
Ipse utrinq; places, qui facienda doces.
VIRTUTIS DOCTOR tu ES, dum timaris ocello
VIRTUTEM vigili: MUNERA larga feres,
Eugel EX HAC, lucro, mox CANDIDA MU
NERA TOLLES.

Digna Trophae simul, Pieridumq; bona!

Ita ex sincero cordis affectu, Eruditione,
Pietate, & Virtute jugiter conspicuo Viro,
Dn... RESPONDENTI Philos:
Candidato meritissimo & Thesumo pro-
pugnatori dexterissimo; Amico suo pl. bo-
norando, gratulabundus secinit;

Abrahamus G. THAUVONIUS
Phyl. & Bot. P. P.